

麻城縣志卷之二

知縣事漢上屈振奇纂修

城社志

城池

按麻舊爲土城後趙石虎命將麻胡秋所築後廢元末鄉戶姜銘等聚衆廬於內立門四隅明弘治己未知縣常厚瓚以石建樓於上至萬曆元年巡撫都御史趙賢巡按御史舒鰲奏建甌城允之知縣

麻城縣志

卷之二

一

錢節用奉旨新建七門城高一丈七尺圍九百五十八丈崇禎乙亥知縣劉星耀以流寇充斥役里增修額東門曰賓暘西門口寅餞南門曰迎薰北門曰拱辰朝聖門曰應壁自癸未至

國朝順治甲午傾圮過半知縣王潞前後修葺復還舊觀

舊志城之濠惟東西有之譙樓前有觀風河通城外二濠置橋于上後橋廢譙樓亦廢惟樓基尚有



國朝康熙八年巳酉冬知縣屈振奇復增築舊基重建鐘鼓樓惟觀風河橋基覓之竟失其處

城內街有中街東街西街南街後街北街儒學街又里房街在縣東濠成化中知縣胡琮立今廢

城內巷有東巷西巷萬家巷冷家巷田家巷申家巷曹家巷龔家巷貢家巷橙子巷

城外關廂有南關西關北關

城內井有義井在東南十字街中旱不涸雨不溢通

麻城縣志

卷之二

二

城利之官井在縣左街味清冽清泉井在儒學街  
淘汰始出仁愛井在城隍廟右前令王世祿鑿民  
懷之因名

附記舊城名

古城東去縣十五里城濠跡存

呂陽城東去縣五里今廢

閻公城在闡家河畔相傳爲唐閻伯璵故里

東義州城東去縣九十里周以史寧爲通衢散騎當



倚泉義州刺史築城以居今廢

岐亭城古縣治後馬通判府今爲同知黃戎府

女王城西去縣三十里瀕浮橋河今址存

赤亭城後魏建今廢

長風城後魏建今廢

滎城後魏景明初梁遣吳子陽寇三關豫州刺史田  
益宗遣光城太守梅興之步騎四千進至陰山關  
南八十里長風城迎擊子陽大破之梁遣建寧太

麻城縣志

卷之二

三

守黃天賜築赤亭城復遣其將黃公賞屯於滎城  
與長風相持益命梅景秀爲之犄角破天賜獲其  
二城

縣署

縣堂洪武初知縣張谷維趙乾建成化中知縣劉規  
胡琮重建正德中寇戩知縣王世祿蔡時重建

國朝順治乙酉城內士民亂復戩知縣李衡重建

後堂三楹舊額曰琴鶴軒



架閣庫三間東西曹各數間訓廉坊三間儀門三間  
知縣廨在堂後縣丞廨在堂左典史廨在堂右吏舍  
在儀門內之右

主簿廨在堂右今裁

知縣廨東甍樓康熙六年知縣孫弘姓新建

石亭二嘉靖庚辰知縣蘇松立今廢

井亭二知縣杜朝紳立今廢

東西幕廳各一今廢

麻城縣志

卷之二

四

迎賓館在頭門內之左知縣王潞移置

監房在儀門右倉房在儀門左

陰陽學在縣治右醫學在縣治左

申明亭在縣門左凡民作奸犯科書其名其罪於亭

中以示警

旌善亭凡孝子順孫義夫節婦揭其行實于亭以示

勸凡七所洪武十六年縣丞劉瑞建今存 在門

右



清源門在縣治左聖岐門在縣治右

鐘鼓樓在縣治前街嘉靖癸丑知縣陶天忠建虞

知縣蘇松重建崇禎辛未火

四朝康熙八年己酉冬知縣屈振奇重建增築舊基高

三尺制二層鑄鐘置鼓于上

北察院萬曆五年知縣連三元建後毀

四朝順治丁亥役里五甲重修

### 學校

麻城縣志

### 卷之二

五

儒學在縣治東宋元舊址明洪武初知縣張谷維建

趙乾楊順公羽選胡琮陶天忠尚德恒司李嚴爾相

繼增修至崇禎季寇亂容兵毀折直至

四朝知縣王潞訓教諭陳應審訓導邵烈鳩庀修葺經

一五世中程第衰止識者皆謂捐造！中弗利振

奇復築期易梁乃己酉秋捷者一庚戌春捷者二焉

文廟東西廡丹墀有古檜蒼秀

明倫堂在文廟後



尊經閣在明倫堂北

東西齋

教諭廨在明倫堂右訓導廨凡二在儒學門內今裁  
號舍在學東射圃亭在學東

儒學門在儒星門右

敬一亭在明倫堂北

啓聖公祠在文廟左

名宦祠在戟門左鄉賢祠在戟門右

麻城縣志

卷之二

六

神厨神庫文昌觀

戟門櫺星門泮池

公廨

岐亭古麻縣按九域志在麻城縣西七十里陳南康

內史呂仲肅屯兵於此舊爲龍集縣又蘇子瞻集

岐亭宋有鹽酒稅明嘉靖丙戌以盜起西山撫按

奏設兵備府添駐捕盜通判辛卯通判羅瑞登城

岐亭掘出龍集縣碑而龍集之名則前代無考



曆間韓煥建修通判署初知縣胡琮建西館驛制  
同中館署卽館驛所改建也

館驛在縣中街今廢

中館驛在縣西三十里今廢址存

東館驛在縣東梅家市今廢

接官亭在縣北三里店今廢

觀稼亭在縣西今廢

講武廳在南門外塔兒橋東教場

麻城縣志

卷之二

七

虎頭關巡檢司雙城鎮巡檢司鶯籠司巡檢司

王福店公館在縣北四十里界河公館在黃土關外

營房二十四間舊爲林遂設立

預備倉凡五所洪武初建

縣倉在儀門東嘉靖丁巳知縣尚德恒增置

積穀倉在堂右順治中知縣王潞建

南倉在白茅西倉在岐亭北倉在柏塔河俱正統間

建今廢址存



便民倉在團風鎮先是借黃岡縣民謝申地沿江建  
廩一百九十有四並正廳後堂左右房頭二門每  
里出石米賃之成化二十年主簿杜煜令里出一  
金買訖嘉靖己亥以迎梓宮拆毀基存丁巳邑令  
尚德恒復建于岐亭府後

國朝王潞 于宋埠民便之

養濟院在後街洪武四年知縣趙乾建成化中知縣  
朱嵩弘治中知縣常厚重修

麻城縣志

卷之二

八

惠民藥局卽醫學今廢

祠廟

社稷壇在縣西北洪武初知縣趙乾建成化初知縣  
朱嵩重建

山川壇在縣南洪武初建成化初知縣胡琮改建縣  
東南

邑厲壇在縣北洪武初建

城隍廟在縣南街洪武初建嘉靖辛卯署篆司李嚴



肅賢邑令尚德恒重修

忠節祠在縣治內祀邑令趙令歲都監王遠判官吳源巡檢劉卓

文昌祠在高岍河蔡家園因水打蔡家園之謠始建遺愛祠邑人爲知縣文德連三元宋一麟建塑有像今改爲關王廟在縣治前街之左

三老堂一名耆英在縣治前街右成化中邑令朱公則川御史吳公爲觀察使周公孔明方伯李公彥麻城縣志

卷之二

九

碩僉憲董公宗南建邑令文舜階重修

傅元帥廟在縣東一里民疫禱之應如響

張相公廟在五腦山一在西門外一統志宋時縣人張行七毀沿江諸廟繫獄適有火災釋行七捍之立止至五腦山人馬俱化邑人爲建廟

禹壽寺在城內南街周思久大書梵王宮及澄心方

丈

不禪寺在城內東隅正統中建係李萬五修



龍佛寺在城內北街梅司馬女澹然捨宅以繡爲功  
課故名

禪堂在朝聖門外

半偈庵在河東岬

東嶽廟在北關廟周弘祐大書岱岳駐蹕

南堂廟在龍池上右爲烈女廟今和

化主廟在龜峯頂相傳卽前邑令張教也

芝佛寺在龍湖北岸建寺掘地得三三之類佛像因名

麻城縣志

卷之二

今失其一

九龍寺在九龍山有柏子塔相傳唐僖宗四年虛應

禪師建塔九級頂覆以鐵鏤鏤側則柏蟠根而生

每立秋日午塔無影

大安寺在大安山詳載前

道觀磯在五臈山左谷中觀廢近有石卷石上蹟一

刻元祐庚午正月晦日補游思正遊四子尚

高向高侍行一刻吳季堅携家來遊巳亥清明後



一日并詩一刻壬戌三月上巳康伯携家遊此一刻大元泰定丙寅歲徵仕郎麻城縣達魯花赤闕守官馬彥闕劉宜之闕一刻大觀庚寅十一月亭川陽闕載酒邀闕來遊闕道士盧立規亭西武忠厚識谷口石刻道士盧立規備錢開此路

桃黃菴在岐亭宋王翊有菴名桃黃自號桃黃山人按翊得硫黃如桃仁食之甚甘自是斷葷肉事見東坡志林

棲真寺在縣東三十里唐虛應禪師建多古柏

興福寺在白杲鎮西一里許唐貞觀乙巳真濟禪師建寺僧以田爲業至今爲獾里之一明初盡爲軍民所占有行脚僧法全憤甚削竹爲鎗伺軍人耕者殺十餘人自詣縣獄令義之欲釋焉全曰豈有殺十數人而不死者乎歸用薙髮刀自刻寺傍至今有割頸山周柳塘李卓吾皆有傳盛稱之永樂甲辰年重修廟貌佛出甲子一邑有荆木梁古銅



盤佛像沉水香皆唐時傳來者寺僧浴佛始取用  
之否則珍藏焉至

國朝戊子年始失去有塘六十餘頃蕩漾若湖爲邑景  
之勝

柏水寺在縣東南一百里唐高峰禪師建

元妙觀在縣北十五里景泰年建

鐘山寺在縣東五十里相傳至元間崑山出一鐘爰  
立寺後廢鐘山鳳陂達河至江抵江夏鐵佛寺僧

麻城縣志

卷之二

三

迎得之

法眼寺卽黃蘗山寺僧無念道場

三教堂在臬山南上中下凡三院明僧道一肉身藏  
塔中有塔院藏經樓僧精舍皆傍巖倚木爲邑佳  
景士人多讀書其地

土皇殿在白臬山之北

沙街廟乃東嶽行祠在白臬東五里俗朝謁祈禱不  
絕



什子河寺在什子山北有四面佛像

定惠寺在天井山麓蘇子瞻題海棠詩本在府城俗  
相傳在此

西峰寺在定惠寺之東

能仁寺在龜峯之北俗名龜尾有記俗傳唐太宗作  
鷄籠寺明無念禪師建

寶光寺在中館驛南瀕河

紫荆山寺在礦山

麻城縣志

卷之二

七

鎮市

梅家市縣東八十里

黃名市縣東九十里

三里店市在縣井今廢

關家河市縣東十五里

岐亭鎮

詳前

宋埠市縣西六十里瀕河水陸之衝南北貨物輻輳  
前所未有



白杲鎮縣南二十里後魏任城王澄都督淮南諸軍事遣長風戍主奇道顯攻陰山戍又攻白杲戍破之斬戍主寧朔將軍關內侯吳道爽今爲市原立  
急遞舖今廢

望花山鎮縣南四十里

十里舖白棠舖白杲舖望花山舖沙河館俱縣南達  
府通衢

古蹟

麻城縣志

卷之二

古

萬松亭在縣西七里岡宋縣令張毅植松萬株於道  
以庇行者立亭其中故名見蘇子瞻詩

龍溪書院在縣西鄉官周兌建

白杲書院在縣南鄉官董朴建

東溪書院在蓮湖鄉官熊經建

道峰書院在牛棚山下邑令陳子文爲隱士毛道峰  
建

白雲書院在縣北



明德書院在五腦山

輔仁書院鄉官周思久建

蔣公書院在南門外邑侯武進蔣羽公建今俱廢  
香草園在縣東五十里俗傳嘉靖間兩見白兔  
墨池在新店朝列大夫周小野創業

湖莊七里陂詞林劉洪源建樓臺湖上今廢

菱湖莊在縣北五里爲梅司馬衡湘別墅

環陽樓在北關外龍池上梅司馬舊業

麻城縣志

卷之二

五

百可園在城南隅鄧省垣東里所築今址存

尺五天在城內西隅爲翰林梅公岑小築

桂香樓在南門外

牛山別業在城西二里金吾劉延伯所築今廢

沈家莊在縣東十里爲梅中丞長公宅前臨桃林河  
崇禎季以禦寇築爲堡

桃花塢在七里橋瀕河數百畝皆植桃花村落亭榭  
相間花時游人盃酌無虛日今惟鬼葵燕麥矣



湯家埠在南門外水邊皆茂林修竹衡宇對爲  
氏園林之勝今廢

相公橋外園花卉列植周柳塘葺今廢  
朱山谷口園學博周行可置今廢

囊山左在龜峰東什子山後上有張仙堂流水鳴屋  
下池上竹甚美梅惠連結廬今爲僧舍

泊石菴在縣東六十里漸山麓惟石間小洞幽邃陳  
儒樸結菴洞口因號漸山

麻城縣志

卷之二

六

立浪園在石牛冲堰北松谷中曹胤昌所構

邑中八景曰龜峰旭日定惠海棠桃林春錦柏子秋  
陰龍池夜月瀑布流泉麻姑仙洞萬松古亭

坊表

冢宰坊爲吏部尚書李長庚立

大金吾坊爲太子太保劉守有立

祖孫宮保坊爲劉天和劉守有立

繡衣坊爲鄧楚望立



學士坊爲翰林院吏部侍郎劉鍾英立

秉銓典禮坊爲吏部主事周思稷禮部主事周之夫

立

尚書坊爲四部劉采立

百歲坊爲誥封熊宜人立

嘉鳳坊爲進士萬山立

都憲坊爲都御史鄒來學立

群英坊邑令聶賢立

麻城縣志

卷之二

七

憲臬坊爲副使王本儉立

雙亞魁坊爲熊經熊夔父子俱中第九名立

奕葉登榮坊爲叅政董朴御史董振叅議董經董石

立

太保坊爲尚書劉天和立

烏府坊爲御史曾大有立

黃門坊爲給事曾大顯立

世科坊爲僉憲喻冲立



忠伯坊爲僉憲王宇立

京兆坊爲府尹劉淑相立

繡衣坊爲御史毛鳳韶立

橋梁

桃林橋縣東十五里至元初鄉人蔣德俊建

花橋縣東十七里至元初建

紅石橋縣東十五里

聚賢橋縣東十五里俗傳爲元學士以舊集被里

麻城縣志

卷之二

聖魯橋縣東六十里在龜峰之麓

古亭橋卽今南門橋宣德間邑令孫仕忠修葺成花間

邑令胡琮重葺

塔兒橋在南門外二里許有小浮屠後修葺相上

宋咸平二年識

廣仁橋在縣西一里嘉靖間毛鳳韶建

太平橋在西門外一名相公橋宣德間修葺邑令孫仕

忠重建置亭于上



梨園橋在縣西十五里

燈林橋在縣西二里

望仙橋在縣西二里舊傳爲麻姑昇仙處

岐亭橋在縣西七十里宋陳慥與蘇軾會此

三里橋

五里橋

七里橋

檀谷橋縣北十里

麻城縣志

卷之二

九

祖公橋在縣北五十里

觀音橋在縣北九十里邑人吳宗建

李沐官人橋在縣西二十里官田畝里人李沐建沐

初爲椽吏行票取堂上鼓中有云務要緊紉密釘

輕擊遠聞旦晚同聲陰晴一韻主者賞之勉令就

學後中順天鄉試至今土人呼此橋爲此名

獅子橋在縣西四十里

塚墓



花橋墓俗傳爲漢毛玠

閻家河三水灣墓在夏氏宅後俗傳爲孟學士不知名相望有闌墓相傳爲唐洪州都督閻伯嶼

古城虞家墩墓俗傳爲虞集又傳墓有集撰誌非集墓

岐亭杏花村宋陳慥墓邑人後以甘望魯祔焉

三角湖元喻千祿墓

滿澤園在縣西石家山邑人熊經請于知縣尚清價

麻城縣志

卷之二

二十

買于民者

毛氏義塚在縣西一里土名鳳凰窩處士毛文昭所施

西門外義塚北門外義塚順治壬辰巡按聶檄行縣立石

麻城縣志卷之二終

